


大智度論

第五

二百十
建五

48861



Vertical stamp or text, possibly a library or archival mark, located below the watermark.

大智度論卷第二十五

龍樹菩薩造

姚秦三藏法師鳩摩羅什譯

釋初品中四無畏第四十

下訖四無礙智

四無所畏者佛作誠言我是一切正智人若有沙門婆羅門若天若魔若梵若復餘衆如實言是法不知乃至不見是微畏相以是故我得安隱得無所畏安住聖主處如牛王在大衆中師子吼能轉梵輪諸沙門婆羅門若天若魔若梵若復餘衆實不能轉一無畏也佛作誠言我一切漏盡若有沙門婆羅門若天若魔若梵若復餘衆如實言是漏不盡乃至不見是微畏相以是故我得安隱得無所

畏安住聖主處如牛王在大衆中師子吼能
轉梵輪諸沙門婆羅門若天若魔若梵若復
餘衆實不能轉二無畏也佛作誠言我說障
法若有沙門婆羅門若天若魔若梵若復餘
衆如實言受是障法不障道乃至不見是微
畏相以是故我得安隱得無所畏安住聖主
處如牛王在大衆中師子吼能轉梵輪諸沙
門婆羅門若天若魔若梵若復餘衆實不能
轉三無畏也佛作誠言我所說聖道能出世
間隨是道能盡苦若有沙門婆羅門若天若
魔若梵若復餘衆如實言行是道不能出世
間不能盡苦乃至不見是微畏相以是故我

得安隱得無所畏安住聖主處如牛王在大
衆中師子吼能轉梵輪諸沙門婆羅門若天
若魔若梵若復餘衆實不能轉四無畏也問
曰以何事故說四無所畏荅曰有人言佛自
稱一切智一切見世間一切經書伎術智巧
方便甚多無量若一切衆生共知一切事猶
尚難況佛一人而有一切智或有是事有是
事難佛將無有畏欲斷是疑妄斷是難故佛
說四無所畏復次若佛未出世外道等種種
因緣欺誑求道求福人或食種種菓或食種
種菜或食種種草根或食牛屎或食穉穉或
日一食或二日或十日一月二月一食或喟風飲

水或食水衣如是等種種食或衣樹皮樹葉
草衣鹿皮或衣板木或在地卧或卧杵上杖
上灰上棘上或寒時入水或熱時五熱自炙
或入水死入火死投巖死斷食死如是等種
種苦行法中求天上求涅槃亦教弟子令不
捨是法如是引致少智衆生以得供養譬如
螢火垂日未出時少多能照若日出時千光
明照月及衆星皆無有明豈況螢火若佛未
出世諸外道輩小明照世得供養佛出世時
以大智光明滅諸外道及其弟子皆不復得
供養以失供養利故便妄語謗佛及佛弟子
如孫陀利經中說自殺孫陀利而謗佛語衆人

言世間弊人尚不爲是是人世間禮法尚不能知何況涅槃佛欲滅如是等誹謗故自說實功德四無所畏言我獨是一切智人無有能如實言佛不能知我不畏是事我獨一切諸漏及習盡無有能如實言佛漏未盡我不畏是事我說遮涅槃道法無有能如實言是法不能遮涅槃佛不畏是事佛說苦盡道速到涅槃無有能如實言是道不能到涅槃佛不畏是事略說是四無所畏體一者正知一切法二者盡一切漏及習三者說一切障道法四者說道是四法中若有如實言不能盡遍知佛不畏是事何以故正遍知了了故初

二無畏爲自功德具足故後二無畏爲具足
利益衆生故復次初第三第四無畏中說智
第二無畏中說斷智斷具足故所爲事畢問
曰十力皆名知四無所畏亦是知有何等異
荅曰廣說佛諸功德是力略說是無畏復次
能有所作是力無所疑難是無畏智慧集故二
力散諸無明故二無畏集諸善法故名力滅諸
不善法故名無畏自有智慧故名力無能壞
者故名無畏智慧猛健是力堪受問難是無
畏集諸智慧是名力智慧外用是無畏譬言如
轉輪聖王七寶成就是力得是七寶已周四
天下無不降伏是名無畏又如良醫善知藥

方是名力合和諸藥與人。是名無畏自利益。
是名力利益。他是無畏自除煩惱。是名力除
他煩惱。是無畏無能沮壞。是名力不難不退。
是無畏自成己善。是名力能成他善。是無畏
巧便智。是名力用巧智。是無畏一切智。一切
種智。是名力一切智。一切種智。顯發。是無畏
十八不共法。是名力十八不共法。顯發於外。
是無畏遍通達法性。是名力若有種種問難。
不復思惟。即時能答。是無畏得佛眼。是名力
佛眼見已。可度者為說法。是無畏得三無礙
智。是名力得應辯無礙。是無畏無礙智。是名
力樂說無礙智。是無畏一切智自在。是名力

種種譬喻種種因緣莊嚴語言說法是無畏
破魔衆是名力破諸外道論議師是無畏如
是等種種因緣分別力無畏問曰何等名無
所畏答曰得無所疑無所忌難智慧不却不沒
衣毛不豎在在法中如說即作是無畏問曰
云何當知佛無所畏答曰若有所畏不能將
御大衆能攝能捨能苦切治或軟語教如佛
一時能驅遣舍利弗目連等還復憐愍心受
若有所忌難者諸論議師輩住憍慢山頂以
外智慧心狂醉皆言天下唯有我一人更無
餘人自於經書決定知故破他經書論議以
惡口些毀如狂象無所護惜如是狂人菴跋

咤長抓薩遮祇斤捷覬盧坻等諸大論議師
皆降伏若有所畏則不能介及憍陳如等五
出家人漚樓頻螺迦葉等千結髮仙人舍利
弗目捷連摩訶迦葉等於佛法中出家及百
千釋子并諸閻浮提大王波斯斤示王頻婆
娑羅王栴陀波殊提王憂填王弗迦羅婆利
王梵摩達王等皆為弟子諸在家婆羅門皆
度一切世間智慧為大國王所師仰梵摩喻
弗迦羅婆利鳩羅檀陀等皆為弟子有得初
道有得第二第三第四道諸大鬼神阿羅婆
迦鞞沙迦等諸大龍王阿波羅羅伊羅鉢多
羅等鴛群梨摩羅諸惡人等皆降化歸伏若

有所畏不能獨在樹下師子坐處坐欲得阿
耨多羅三藐三菩提時魔王軍衆化作師子
虎狼熊羆之首或一眼或多眼或一耳或多
耳擔山吐火四邊圍遶佛以手指按地喘息
之頃即皆消滅諸天阿脩羅鞞摩質帝隸釋
提婆那民梵天王等引導其心皆為弟子若
有所畏不能在此大衆中說法以無所畏故
能為如是諸天鬼神大衆中說法故名無所
畏復次佛於一切衆生最尊最上盡到一切
法彼岸得大名聞故自說無所畏復次置是
佛功德佛一切世間功德亦無能及者所畏
法一切已拔根本故所畏法者弊家生弊生

處惡色無威儀麁惡語等弊家生者如首陀
羅所謂擔死人除糞養鷄猪捕獾屠殺沽酒
兵忤等卑賤小家若在大眾中則多怖畏佛
從本已來常生轉輪聖王種中所謂頂生王
快見王婆竭王摩訶提婆王如是等名曰種
王家中生亦以是故無所畏弊生處者安陀

羅舍婆羅

也裸國

瓊吡羅

氏

脩利安息大秦

國等在此邊國中生若在大眾中則多怖畏
佛在迦毗羅婆中國生故無所畏惡色者有
人身色枯乾羸瘦人不喜見若在大眾則亦
有畏佛金色光潤如火照赤金山有如是色
故無所畏無威儀者進止行步坐起無有人

儀則有怖畏佛無是事。麁惡語者有人惡音
聲。蹇吃重語無有次第。人所不喜則多怖畏
佛無是畏。所以者何。佛語真實柔輒。次第易
了不疾不遲不少不多不沒不垢不調戲勝
迦陵毗伽鳥音。辭義分明不中傷物。離欲故
無染滅瞋故無礙除愚故易解法喜增長故
可愛遮罪故安隱隨他心隨解說義深語妙
有因緣故言有理譬喻故善顯示事訖故善
會事觀種種衆生心故雜說久久皆入涅槃
故一味如是等種種無量莊嚴語故佛於語
中無所畏佛但以如是等世間法尚無所畏
何況出世間法以是說佛有四無所畏問曰

佛十力中有無所畏不若有所無所畏不應但
言四若有所畏云何言無畏成就答曰一智
在十處名爲佛成就十力如一人知十事隨
事受名是十力四處出用是無所畏是處不
是處力漏盡力即是初二無畏八力雖廣說
是第三第四無畏以是故十力中有無畏別
說亦無失正遍知者知一切法不顛倒正不
邪如餘過去諸佛是名三藐三佛陀如佛告
阿難一切世間天及人所不能知佛能遍知
故名三藐三佛陀若有人言是法不知問曰
是何人答曰是中佛說若沙門婆羅門若天
若魔若梵乃至欲與佛論者論何等法有久

言佛所不說外諸經書弊迦蘭那僧佉韋陀
等十八種大經書有人言須彌山斤兩大地
深淺一切草木頭數有人言是常無常有邊
無邊十四難佛不能答有人言是法色法無
色法可見不可見有對無對有漏無漏有爲
無爲等佛但知一種道事因緣是異法種種
因緣佛或不悉知沙門者說出家人婆羅門
者說在家有智人天者說地天虛空天魔者
說六欲天梵者說梵天王爲首及一切色界
餘者除此更有餘人如實者若以現事若以
因緣難乃至不見是微畏相者相名因緣我
不見小小因緣如法能來破我者以不見故

至誠言安立阿梨沙

秦言
聖主

住處佛至誠言我

一切漏盡若有人言是漏不盡者何等是漏漏
名三漏欲漏有漏無明漏復次漏名六情中
出垢心相應心數法復次如一切漏障經中
分別說七漏障道法名諸有漏業及一切煩
惱惡道報障為世間故布施持戒修十善道
受諸味禪略說若能障涅槃若善若不善若
無記是名障道法有人言道名二法聖定聖
慧是二事等達到涅槃有人言三聚道無漏
戒定慧有人言四法所謂四聖諦有人言出
世間五根有言六出性有言七覺意有言八
聖道達到涅槃論議師等言一切無漏道達

到涅槃是中若有沙門婆羅門等來如實言
是事不尔乃至不見微畏相以不見故至誠
言安立阿犁沙住處問曰何以故佛至誠言
安立阿犁沙住處荅曰自功德具足亦令衆
生得安樂利益若佛自得安樂住處不能利
益衆生不名阿犁沙住處若但利益衆生不
自具足功德亦不名阿犁沙住處若自有功
德亦利益衆生以是故至誠言我安立阿犁
沙住處復次佛自滅惡亦滅衆生惡滅二惡
故第一清淨妙說法故安立阿犁沙住處復
次四聖諦三轉十二行能轉能分別顯示敷
演故至誠言我安立阿犁沙住處復次一切

疑悔邪見能除却故言一切甚深問難悉能

解釋故名安立阿黎沙住處阿梨沙第一最上

沒具足功德無所減如是等因緣功德力故至

誠言我安立阿黎沙住處眾中師子吼者眾

名八眾沙門眾婆羅門眾刹利眾天眾四天王

眾三十三天眾魔眾梵眾眾生於此八眾希望

智慧是故經中但說是八眾此中佛師子吼

亦在一切眾中以是故此經中言若復餘眾

何以故聞佛音聲者盡皆是眾復次有人言

佛獨屏處說法以是故說在眾中作是至誠

言我有十力四無所畏是名眾中師子吼復

次佛示我是至誠言我為一切世間師一切

智人諸有疑不信者悉來我當解釋以是故
言衆中師子吼師子吼者如師子王清淨種
中生深山大谷中住方頰大骨身肉肥滿頭
大眼長光澤明淨眉高而廣牙利白淨口鼻
方大厚實堅滿齒密齊利吐赤白舌雙耳高
上鬣髮光潤上身廣大膚肉取著脩脊細腰其
腹不現長尾利抓其足安立巨身大力從住
處出偃脊頻申以口扣地現大威勢食不過
時顯晨朝相表師子王力以威麀鹿熊羆虎
豹野豬之屬覺諸久睡降伏高強有力勢者
自開行路而大哮吼如是吼時其有聞者或
喜或怖穴處者隱縮水居者深入山藏者潛

伏旣象振鎖狂逸而去鳥飛空中高翔遠逝
佛師子亦如是從六波羅蜜古四聖種大姓
中生寂滅大山深濬禪定谷中住得一切種
智頭集諸善根類無漏正見脩目光澤定慧
等行高廣眉四無所畏牙白利無礙解脫具
足口四正勤堅滿頤三十七品齒密齊利脩
不淨觀吐赤白舌念慧耳高上十八不共法
鬘髮光潤鮮白三解脫門上身肉堅著三示
現脩脊明行具足腹不現忍辱腰纖細遠離
行尾長四如意足安立無學五根抓利十種
力勢無量無漏法衆具足身諸佛三昧王等
住處出四無礙智頻申諸法地中著無礙解

脫口依是十力廣大力度衆生時不過示一
切世間天及人晨朝相顯諸法王德威諸外
道論議師黨邪見之屬覺諸衆生四諦中睡
降伏吾我著五衆者憍慢力開異學論議諸
邪見道行邪者怖畏信正者歡喜鈍者令利
安慰弟子破壞外道長壽諸天久受天樂則
知無常如是衆生聞四諦師子吼皆生厭心
厭心故得離得離故入涅槃是名衆中如師
子吼復次佛師子吼及師子吼有差別師子
吼者衆獸驚怖若死若近死若佛師子吼得
免死畏師子吼怖世世死若佛師子吼但今
世死更無後苦師子吼者其聲麁惡物不喜

聞生死怖畏佛師子吼其聲柔輒聞者無厭
心皆深樂普遍遠聞能與二種樂生天樂涅槃樂是為差別問曰佛師子吼亦令聞者生
怖與師子吼有何等異荅曰聞佛師子吼當
時小怖後大利益著吾我心者渴愛世間樂
人常顛倒所縛邪見心者生怖畏如經中言
佛說四諦乃至上諸天悉皆怖畏作是念我
等無常相苦相無我相空相何以故為顛倒心
故著常樂相是為差別復次聞師子吼者除
離欲人餘者皆怖畏佛師子吼求涅槃離欲
人不離欲人皆怖師子吼者善人不善人皆
怖佛師子吼者但善人怖復次師子吼一切

時怖佛師子吼雖小怖畏衆生示世間惡罪
令不樂世間生觀涅槃功德利益能除世間
種種怖畏閑惡趣開善道能令人到涅槃城
復次二十事故佛語名師子吼所謂依止十
力故不縮故不畏故梵音故未曾有故能引
大衆故惡魔驚怖故擾亂魔民故諸天歡喜
故得出魔網故斷魔縛故破魔鈎故過魔界
故自法增長故減損他法故果報不誑故說
法不空故凡夫人入聖道故入聖道者得具
足漏盡故隨所應得三乘故以是故佛語名
師子吼是名師子吼揔相別相義轉梵輪者
清淨故名梵佛智慧及智慧相應法是名輪

佛之所說受者隨法行是名轉是輪以具足
四念處為轂五根五力為輻四如意足為堅
牢輞四正勤為密合輞三解脫為楫禪定智
慧為調適無漏戒為塗輪香七覺意為雜華纓
絡正見為隨右轉信心清淨為可愛喜正精
進為疾去無畏師子吼為妙聲能怖魔輪破
十二因緣節解輪壞生死輪離煩惱輪斷業
輪障世間輪破苦輪能令行者歡喜天人敬
慕是輪無能轉者是輪持佛法以是故名轉
梵輪復次佛轉法輪如轉輪聖王轉寶輪問
曰佛與轉輪聖王有何相似荅曰如王清淨
不雜種中生隨姓家業成就眾相莊嚴身王

德具足能轉寶輪香湯灌頂受王位於四天
下之首壞除一切賊法令無敢違寶藏豐溢
軍容七寶以爲校飭以四攝法攝取衆生善
用王法委任貴姓主兵大臣以治國政妙上
珍寶樂以布施有所知念終始無異佛法王
亦如是釋迦牟尼燃燈寶華等佛諸佛清淨
姓中生先佛威儀行業具足三十二相以自
莊嚴聖主威德備具轉眞法輪智慧甘露味
灌智首於三界中尊破壞一切煩惱賊學無
學衆歡喜所結禁戒無敢違者無量法寶藏
具足七覺分寶莊嚴八萬四千法聚軍出世間
四攝法以攝衆生知方便說四聖諦法爲法王

儀舍利弗彌勒等大將善治佛國法諸無漏
根力覺種種妙寶樂以布施深求一切衆生
善事爲所念堅固是爲相似復次佛於轉輪
聖王有殊勝轉輪聖王不離諸煩惱佛已永
離諸煩惱轉輪聖王沒在老死涅槃佛已出離
轉輪聖王爲恩愛業佛已過出轉輪聖王行
生死險道中佛已過度轉輪聖王在愚癡闇
中佛住第一光明中轉輪聖王極自在四天
下佛自在無量無邊世界轉輪聖王財寶自
在佛心寶自在轉輪聖王渴樂天樂佛乃至
有頂樂已離轉輪聖王從他求樂佛自心生
樂以是故佛於轉輪聖王爲最殊勝復次轉

輪聖王手轉寶輪空中無礙佛轉法輪一切
世間天及人中無礙無遮其見寶輪者衆毒
皆滅遇佛法輪一切煩惱毒皆滅見寶輪者
諸災惡害皆滅遇佛法輪一切邪見疑悔災
害皆悉消滅王以是輪治四天下佛以法輪
治一切世間天及人令得法自在是為相似
復次法輪於寶輪大有殊勝寶輪欺誑法輪
堅實寶輪長三毒火法輪滅三毒火寶輪有
漏法輪無漏寶輪樂五欲樂法輪樂法樂寶
輪結使處法輪非結使處寶輪有量處行法
輪無量國行寶輪以一心清淨布施故世世
可得法輪無量阿僧祇劫集一切善業因緣

及智慧故得寶輪王死後更不轉佛滅度法
輪猶轉寶輪在一入法輪在一切可度者復
次梵名廣佛轉法輪十方無不遍故名廣復
次四梵行心說故名梵輪復次佛初得道時
梵天王請轉法輪故名梵輪復次佛在波羅
柰轉法輪阿若憍陳如得道聲徹梵天故名
梵輪復次有人貴梵天欲令歡喜故名梵輪
以是故名梵輪問曰佛或時名法輪或時名
梵輪有何等異答曰說梵輪法輪無異復次
有人言說梵輪者現四無量心說法輪者示
四諦法復次梵輪因四無量心得道是名梵
輪依餘法得道是名法輪梵輪示四禪法輪

示三十七品梵輪示修禪定聖道法輪示修智
慧聖道如是等分別梵輪法輪差別問曰何
法は無畏性答曰佛初得道時得一切佛法
十力四無所畏等此中未來世得四無所畏
智相應法名無所畏如布施時心中思相應
捨法性又如四無量心相應名慈法問曰是
四無畏中有何次第答曰初無畏中示人知
一切法知一切法故我漏盡漏盡故知障漏
盡法斷是障法故說道復次初無畏如示藥
師一藥草第二示一切病滅第三知禁忌第
四示所應食復次初無畏中說一切種智第
二無畏中說無一切煩惱習第三無畏中說

法無謬失第四無畏中所說事辦得至涅槃
問曰如般若波羅蜜中品品說五衆乃至十
力四無所畏十八不共法皆空今云何分別
說其相荅曰佛法中不可得空於諸法無所
礙因是不可得空說一切佛法十二部經譬
如虛空無所有而一切物皆依以長成復次
是十方四無所畏不以取相著心分別故但
為度衆生知衆生從是因緣得解脫譬如藥
草但為差病不為求草相如中論中說
若信諸法空 是則順於理 若不信法空
一切皆違失 若以無是空 無所應造作
未作已有業 不作有作者 如是諸法相

誰能思量者

唯有淨直心

所說無依止

離於有無見

心自然內滅

問曰聲聞法說十力四無所畏如是摩訶衍
分別十力四無所畏復云何答曰是十力四
無所畏中盡知遍知是摩訶衍中說十力四
無所畏問曰聲聞法中亦說盡知遍知云何
言摩訶衍中說盡知遍知答曰諸論議師說
佛盡知遍知非佛自說今說摩訶衍中十力
四無所畏故佛自說我盡知遍知復次為聲
聞人說十力四無所畏合說四諦十二因緣
等諸聲聞法皆為到涅槃今說摩訶衍中十
力四無所畏合大悲諸法實相不生不滅說

問曰佛有十力四無所畏菩薩有不答曰有
何者是一者發一切智心堅深牢固力二者
具足大慈故不捨一切衆生力三者不須一
切供養恭敬利故具足大悲力四者信一切
佛法具足生一切佛法及心不厭故大精進
力五者一心慧行威儀不壞故禪定力六者
除二邊故隨十二因緣行故斷一切邪見故
滅一切憶想分別戲論故具足智慧力七者
成就一切衆生故受無量生死故集諸善根
無厭足故知一切世間如夢故不厭生死力
八者觀諸法實相故知無吾我無衆生故信
解諸法不出不生故無生法忍力九者入空

無相無作解脫門觀故知見聲聞辟支佛解脫故得解脫力十者深法自在故知一切衆生心行所趣故具足無礙智力是爲菩薩十力何等爲菩薩四無所畏一者一切聞持故諸陀羅尼得故憶念不忘故在衆說法無所畏二者一切法中得解脫故一切法藥分別知用故知一切衆生根故在大衆中隨應說法無所畏三者菩薩常離一切衆畏不作是念十方有來難我者我不能答不見是相在大衆中說法無所畏四者恣一切人來問難者一一皆答能斷疑惑在大衆中說法無所畏是爲菩薩四無所畏四無礙智者義無礙

智法無礙智辭無礙智樂說無礙智義無礙
智者用名字言語所說事各各諸法相所謂
堅相地此中地堅相是義地名字是法以言
語說地是辭於三種智中樂說自在是樂說
於此四事中通達無滯是名無礙智濕相水
熱相火動相風心思相五衆無常相五受衆
無常苦空相一切法無我相如是等摠相別
相分別諸法亦如是是名義無礙智法無礙
智者知是義名字堅相名爲地如是等一切
名字分別中無滯是名爲法無礙智所以者
何離名字義不可得知義必由於名以是故
次義有法問曰義之與名爲合耶爲離耶若

合名說火時應燒口若離說火時水應來答曰
亦不合亦不離古人假爲立名以名諸法後
人因是名字識是事如是各各有名字是爲
法是名字及義云何令衆生得解當以言辭
分別莊嚴能令人解通達無滯是名辭無礙
智說有道理開演無盡亦於諸禪定中得自
在無滯是名樂說無礙智第一第四無礙智
在九地中第二第三無礙智欲界及梵天上
第二第三無礙智第一十智第四九智是
無礙三種上中下上諸佛中大菩薩下大阿
羅漢問曰力無所畏無礙皆是智慧內有力
外無所畏則具足何以復說無礙答曰力

無畏已分別有人雖無所畏在大衆中說法
而有礙以是故說四無礙智得是無礙智莊
嚴四無所畏四無所畏莊嚴十力復次說無
所畏或有疑者言云何一人於大衆中得無
所畏佛以前有十力後有四無礙智是故在
大衆中說法無所畏如是等分別四無礙智
問曰摩訶衍中有菩薩四無礙智不荅曰有
何者是義無礙智者義名諸法實相不可言
說義名字語言不別異前後中亦如是是名
義不應離名字語言別有義三事等故名爲
義復次一切諸法義了了知通達無滯是名
義無礙智法無礙智者法名一切義名字爲

知義故復次菩薩入是法無礙智中常信法
不信人常依法不依非法依法者無非法事
何以故是人一切諸名字及語言知自相離
故復次以是法無礙智分別三乘雖分別三
乘而不壞法性所以者何法性一相所謂無
相是菩薩用是語言說法知語言空如響相
所說法示衆生令信知同法性所說名字言
語通達無滯是名法無礙智辭無礙智者以
語言說名字義種種莊嚴語言隨其所應能
令得解所謂天語龍夜叉捷闍婆阿脩羅迦
樓羅摩睺羅伽等非人語釋梵四天王等世
主語人語一語二語多語略語廣語女語男

語過去未來現在語如是等語言能令各各
得解自語他語無所毀譽所以者何是一切
法不在語中語是非實義若語是實義不可
以善語說不善但爲入涅槃故說令解莫著
語言復次用是語言能令衆生隨法義行所
以者何言語皆入諸法實相中是名辭無礙
智樂說無礙智者菩薩於一字中能說一切
字一語中能說一切語一法中能說一切法
於是中所說皆是法皆是實皆是真皆隨可
度者而有所益所謂樂脩妬路者爲說脩妬
路樂祇夜者爲說祇夜樂弊迦蘭陀者爲說
弊迦蘭陀樂伽陀優陀那阿波陀那一筭多

闍陀爲頭離頗浮陀達摩優波提舍皆爲說
是經隨一切衆生根樂說若好信者爲說信
根好精進者爲說精進根好勤念者爲說念
根好攝心者爲說定根好智慧者爲說慧根
如五根等一切善根亦如是復次二萬一千
婬欲人根爲是根故佛說八萬四千治法根
隨是諸根樂說治法次第菩薩樂說二萬一
千瞋恚人根爲是根故佛說八萬四千治法
根隨是諸根樂說治法次第菩薩樂說二萬
一千愚癡人根爲是根故佛說八萬四千治
法根隨是諸根樂說治法次第菩薩樂說二
萬一千等分人根爲是根故佛說八萬四千

治法根隨是諸根樂說治法次第菩薩樂說
是名樂說無礙智復次菩薩用是無礙智若
一劫若半劫各各莊嚴說法亦不壞諸法相
是菩薩或隱身不現而為衆生用一切毛孔
說法隨其所應不失本行是菩薩智慧無量
一切論議師不能窮盡亦不能壞是菩薩得
是無礙智轉身受生時一切五通仙人所有
經書呪術智慧伎能自然悉知所謂四韋陀
六齋伽呪術知日月五星經原夢經地動鬼
語鳥語手語四足獸鬼著人語國王占相豐
儉日月五星闔相醫藥章筭數卜歌舞伎樂
如是等工巧伎術諸經盡知明達過一切人

及諸外道亦不自高亦不惱他知是俗事不
為涅槃是菩薩成就四無礙智故色力光明
殊於諸梵諸梵恭敬愛樂尊重心無所著為
如是等一切諸天所尊重恭敬亦無所著但
生無常苦空無我心亦以神通發起諸天令
心渴仰而為說法無盡無壞斷除疑悔令住
阿耨多羅三藐三菩提是名摩訶衍中菩薩
四無礙智力能度衆生是名四無礙智義

大智度論卷第二十五

建

穉

上音帝下

翁風

上許沮壞

上才些

音咤

竹家

又又抓

之巧祇

上渠蛄

音坵

音伊

竹家

又又抓

之巧祇

上渠蛄

音坵

音伊

智	渥	果	下	頰	嘗	熊
度	<small>字</small> 渥	<small>反</small> 蘇	<small>反</small> 古	<small>反</small> 古	吃	罷
論	妬	翔	叶	叶	<small>下</small> 上	<small>下</small> 上
第	<small>反</small> 丁	<small>祥</small> 音	髦	髦	<small>音</small> 居	<small>音</small> 碑
二	<small>路</small>	濬	毛	毛	訖	雄
十	筑	<small>反</small> 私	扣	扣	<small>反</small> 輦	捕
五	<small>竹</small> 音	閏	苦	苦	調	獠
卷	廐	頤	候	口	戲	<small>良</small> 上
	<small>究</small> 音	<small>反</small> 余	<small>反</small> 又	<small>又</small>	<small>吊</small> 上	<small>輒</small> 音
		之	麋	麋	<small>反</small> 徒	<small>反</small> 步
		忤	<small>章</small> 音	<small>音</small> 穴	望	<small>下</small>
		五	朝	處	亡	瓠
		朝	<small>音</small> 同	<small>下</small> 聲	<small>音</small> 下	<small>上</small>
		楫	楫	去	屏	<small>丁</small> 音
		<small>反</small> 先	振	振	<small>音</small> 蔽	<small>逆</small> 侯
		結	鎖	鎖	<small>餅</small> 反	<small>反</small>



